

解脫道論卷第十二

納三

羅漠優波底沙造
梁扶南三藏僧伽婆羅譯

分別諦品第十二之二

彼坐禪人如是現觀滅以由觀滅成畏陰因亦畏陰生畏第三一有五趣七識住九衆生居成畏彼如惡人捉刀可畏如毒蛇如火聚如是以由觀滅成畏陰因畏陰生畏三有五趣七識住九衆生居以無常現作意令畏想以安隱令起無相以苦現作意成畏生以安隱令

起無生以無我現作意成畏相及生以安隱令起無相及無生觀過患觀厭離軟隨相似忍是其總語言怖已竟令起智

彼坐禪人以怖現修行令起智樂解脫智生彼陰相是怖者樂解脫智起陰生爲怖者樂解脫智起三有五趣七識住九衆生居此怖者樂解脫智起如火所圍鳥從彼樂解脫如人爲賊所圍從彼樂解脫如是彼坐禪人陰因陰生三有五趣七識住九衆生居此怖畏者樂解脫智起以無常現作意畏因以苦現

作意畏生以無我現作慧畏固及生樂解脫
智起於是凡夫人及學人於樂解脫智二種
引心或觀歡喜於是現觀於是成通達現觀
歡喜心成憂惱成修行障礙成通達難見思
惟行捨中隨相似忍此是總語言樂解脫智已竟

彼坐禪人如是現修行樂解脫智從一切諸
行樂解脫樂泥洹諸行唯作一相欲令起解
脫門相似智起以三行得相似智以三行越
正聚於五陰無常現見得相似智五陰滅灾
泥洹如是現見越正聚於五陰以苦現見得

相似智五陰滅樂泥洹現見越正聚於五陰
以無我現見得相似智五陰滅第一義泥洹
現見越正聚問云何以智現越正聚云何以
智已越正聚答以性除智現越正聚以道智
已越正聚問相似智者何義答相似者四念
第三處四正勤四如意足五根五力七覺分八正
道分以彼相似此謂相似智總語言無怨見
利相似忍此是相似智總語言相似智已竟

相似智無間次第從一切諸行相起作泥洹
事生性除智問云何義名性答除凡夫法名

性除非凡夫法所除亦名性除性者是泥洹

復次種植泥洹者名性除如阿毗曇所說除

生名性除度無生亦名性除復除生因名性

除度無生無相名性除於泥洹是初引路從

外起轉慧此性除總語言性除智已竟

性智無間次第現知苦現斷集現作證滅現
修道生須陀洹道智及一切菩提法彼坐禪
人於此時以寂寂現見有邊無爲醍醐戒於
一剎那以一智非初非後分別四諦以知苦
分別以斷集分別以作滅證分別以修道分

別成分別如譬喻偈所說

如人捨此岸 以船度彼岸 於彼度諸物

乘船者除漏

如船度水非初非後於一剎那作四事捨此
岸除漏到彼岸度物如捨此岸如是智分別

納二

苦如除漏如是分別斷集如度彼岸如是作

三

證分別滅如以船度物如是修道分別如燈
共生於一剎那不初不後作四事如小燈炷
除闇令油消令光明起如日共生非初非後
於一剎那作四事令現色除闇令滅寒令起

光明如令現色如是智分別苦如除閻如是
分別斷集如令滅寒如是作證分別滅如令
起光明如是修道分別如日如是聖智問如
實現見苦知苦斷集證滅修道此相云何若
不見苦四顛倒生爾時如所說有邊無爲醍
醐戒以寂寂現見以一智非初非後分別四
諦此義云何答於生滅智是時未成見苦漏
及至如實見諸行過患從諸行相令起心於
無行成度是故如實見諸行過患從諸行相
以令起心於無行成度是處見苦漏到最後

故復說若如是以寂寂以性除智成分別諦
性除智者從行相起成度無行若性除智從
行相起成度於無行成度於泥洹唯著因是
其事以著事得定心若不得定不生奢摩他
毗婆舍那亦不得菩提法滿是故以性除智
成分別諦從彼性除智無間道智成生於此
時得於泥洹定心得定成起奢摩他毗婆舍
那成滿菩提分法是故唯以道智成分別諦
如人從燒城出腳跨門闈從城已出一脚是
時未名出如是性除智從彼行相起成度無

行是時未名度煩惱諸法未滿故如人從所燒城兩脚已出是時名出燒城如是性除智無間成生道智起是時名從煩惱城出諸法滿故是故以性除智成分別諦分別諦者何義答四聖諦於一剎那說和合名分別諦於此時道智和合依義諸根成平等不動義力義乘義菩提分因義道分令住義念處勝義正勤便義如意足實義諦不亂義奢摩他隨觀義毗婆舍那義不相離義雙義覆義戒清淨不亂義心性淨見義見清淨義脫義解脫

三

四

通達義明捨義勝斷義滅智根義欲令起義作意平等義觸受滅出離義現前義定依義念真實義慧深勝義醍醐最後義泥洹最後平等義坐禪人如是現智如是現見斷三結所謂身見疑戒取及彼相應煩惱問云何身見答於此無聞凡夫見色爲我我有色色爲我所於色我如是受想行識見識爲我我有識識爲我所於識我此謂身見此身已斷彼斷故六十二見亦斷爲身見所初六十二見間云何疑答或於苦或於集或於滅或於道

或於佛法僧或初邊或後邊或初後邊疑惑
於因緣所起法彼疑惑此謂疑彼亦斷問云
何戒盜答戒盜二種渴愛及癡我以此戒以
此行以此苦行以此梵行我當生天我皆當
生一天處約三此謂渴愛戒盜從此外沙門婆
羅門以戒以清淨以清淨戒行彼如是見此
謂癡戒盜彼亦斷問云何彼一處住煩惱答
彼令住惡趣媱欲瞋恚癡此謂彼一處住煩
惱亦斷於此間爲須陀洹果作證成向未得
須陀洹住須陀洹向地或第八地或見地或

定從兩起轉慧此須陀洹道智總語言須陀
洹無間次第三結斷故作無爲事與道等法
無異方便起須陀洹果智果心或二或三生
無間彼次第度後分心從後分起觀道觀果
觀泥洹觀已斷煩惱觀餘煩惱此謂須陀洹
不退法定向菩提向未來果欲分別是世尊
胃生口生法生法所造得法分不與物分此
謂見具足善修行通達聖法至醍醐門住見
具是到此妙法見此妙法已覺智成就已覺
明成就入法流聖通達慧開醍醐門住是故

說此偈

於地一國王 於天堂一王 領一切世間
須陀洹果勝

彼坐禪人於此地住於上作精進爲作斯陀
舍果證作見生滅所初現觀如初所說現修
行如已見道依諸根力菩提覺如是分別諦
彼如是修行向滅斷塵欲瞋恚及彼一處住
煩惱從彼道無間作證斯陀舍果彼坐禪人
於此地住於上作精進爲作阿那含果證作
見生滅爲初現見如初所說現修行如見道

依諸根力菩提覺如是分別諦彼如是向滅
斷細欲瞋恚及彼一處住煩惱從彼道無
間作證阿那含果彼坐禪人於此地住於上
作精進爲作證阿羅漢果作見生滅爲初現
見如初所說現修行如已見道依諸根力菩
提覺如是分別諦彼如是向斷色欲無色欲
第3
慢調無明餘煩惱無餘斷從彼坐禪人作證
阿羅漢果彼觀道觀果泥洹觀斷煩惱彼比
丘成阿羅漢滅漏所作以立置擔到妙義斷
有結正智解脫離五分六分成就一守護不

爲死所繫除餘諦等滅信覓無濁思惟猗身行善解脫心善解脫慧梵行已立成丈夫最勝丈夫得第一所得此謂除瞋恚者度岸者離煩惱者無結礙者得聖鬚者除擔者不相應者沙門者婆羅門者已浴者度韋陀者最上婆羅門者阿羅漢者度者脫者伏者寂寂者令寂者是阿羅漢總語言於是若須陀洹從其生於上不更作精進一時來此世作苦邊若阿那舍從其生於上不作精進從此終生淨居

彼由諸根勝以五種得見成五阿那舍中間納三般涅槃生般涅槃不行般涅槃行般涅槃上從其生於上不更作精進以三種得見三種須陀洹一七生家家須陀洹一生須陀洹於是鈍根成七生中根成家家利根成一生七生者七時往天當來此作苦邊家家須陀洹或二時或三時往彼家已往作苦邊一生須陀洹已今生人有作苦邊若斯陀舍人從其生於上不作精進一時來此世作苦邊若阿那舍從其生於上不作精進從此終生淨居

彼由諸根勝以五種得見成五阿那舍中間納三般涅槃生般涅槃不行般涅槃行般涅槃上從其生於上不更作精進以三種得見三種須陀洹一七生家家須陀洹一生須陀洹於是鈍根成七生中根成家家利根成一生七

已生令起聖道不行般涅槃者無異行爲除
殘結使令起聖道行般涅槃者有異行爲除
殘結使令起聖道上流阿迦尼吒天從不煩

終往不熱從不熱終往善見從善見終往善
現從善現終生阿迦尼吒天於阿迦尼吒爲
除殘結使起聖道於是不煩天萬劫壽命不
熱天二萬劫壽命善見天四萬劫壽命善現
天八萬劫壽命阿迦尼吒天十六萬劫壽命
於四地成五五人於阿迦尼吒四人無上流
人如是彼成二十四人阿羅漢已斷一切煩

惱無餘故不成後有因因無故阿羅漢已免
壽形命行滅此苦斷不起餘苦此謂苦邊是
故說此偈

譬如搥打鐵

火星流入水

次第成寂滅

彼趣不可知

如是正解脫

已度欲縛漏

至於無動樂

彼趣不可知

問於此有師說次第修道次第斷煩惱次第
分別諦答或以十二或以八或以四道智作
證果問云何於此見不相應答若次第修行
次第斷煩惱是故次第作證以是次第作證

果可樂與道果相應故若如是可樂一須陀洹果者成耶若如是不可樂次第修道次第斷煩惱者亦然復次第二過若以見苦見苦所斷煩惱滅斷可樂是故已見苦見苦所斷煩惱已斷作證納三四分須陀洹果作證應可樂方便成就故若如是可樂作證八四分須陀洹四分七時生四分家家生四分一生四分住於道四分住於果於此不相應若如是不可樂以見苦見若所斷煩惱斷耶此不相應復次第三過若以見苦見若所斷煩惱斷者所

樂是以現見苦四分須陀洹道住四分信行四分法行成應可樂不見餘三諦若此所樂住於四須陀洹道成四信行成四法行於此不相應若如是不可樂以見苦見苦所斷煩惱斷復次第四過亦不相應若現見道成向以見道成住果此可樂以是現見苦成向以見故成住果應可樂見一種故若如是可樂向及住果成多過於此此不相應若如是不可樂現見道成證以見道成住於果此亦不相應復次第五過苦以見道作證果未見苦

集滅成作證果可樂者以見苦集苦滅是無
義復次第六過若以十二或以八或以四道
智作證須陀洹果可樂者以是作證或十二
或八或四須陀洹果應成可樂者成道智無
果若如是可過地以成過於此此不相應若

第三

如是可樂或以十二或以八或以四道智作

證須陀洹果者耶此亦不相應復此第七過
若或十二若八若四道智令起一須陀洹果
者可樂此亦不相應多事令起一果如多菴
婆果令生一果問若以一智一刹那無前無

後成分別四諦一智應成四見取事若以見
苦成見四諦四諦成苦諦若此二義無此不
相應一剎那以一智無前無後成分別四諦
答非一智成四見取事亦非四諦成苦諦坐
禪人唯從初四諦種種相一相以前分別前
故爾時以聖行苦諦如是相以通達成通達

四諦如其相四諦以如義成一相如五陰種
種相一相以前分別爲色陰以無常已見五
陰無常下常見無常非色陰爲五陰如是入
界如是於此可知於是法可知如是觀

喜受地根解脫煩惱正受二定於是觀者二觀禪觀燥觀問云何禪觀已得定以定力伏蓋以名比分別色觀見禪分奢摩他爲初修毗婆舍那燥觀者以分別力伏蓋以色比分別名見觀諸行毗婆舍那爲初修行奢摩他覺者燥觀初禪及觀者觀道及果成有覺於三禪毗婆舍那乃至性除成有覺道及果成無覺於覺地道成八分道於無覺地七分除思惟喜者燥觀得苦行具足毗婆舍那相似智成無苦起性除道及果共起喜燥觀得樂

行具足於二禪毗婆舍那及道果共起喜於第三禪於第四禪毗婆舍那道及果不共起喜於喜地道及果七覺分起於無喜地六菩提覺除喜菩提覺受者燥觀得苦行具足毗婆舍那乃至相似智共捨起性除道及果共起喜燥觀得樂行具足於三禪毗婆舍那道果共喜起於第四禪毗婆舍那道果共捨起地者二地見地思惟地於是須陀洹道見地餘三道四沙門果思惟地未常見今見名見地如是見如是修是思惟地復次二地學地

不學地於是四道三沙門果學地阿羅漢果無學地根者三出世間根未知我當知根已知根知已根於是須陀洹道智初未知今知者成未知智三道智三果智已知法更知知根阿羅漢果智無餘已知法知者已知知根解脫者三解脫無相解脫無作解脫空解脫於是道相似智不作相是無相解脫不作願是無作解脫不作執是空解脫復次此三解脫以觀見成於種種道以得成於一道問云何以觀見成於種種道答已觀見無常成無

相解脫以觀見苦成無作解脫以觀見無我成空解脫問云何以觀見無常成無相解脫答以無常現作意以滅諸行起心成多解脫得信根及四根彼種類如實智相彼種類一切諸行成無常起令起相怖畏從相行生智從相心起於無相心越以無相解脫身得脫如是以觀無常成無相解脫問云何以觀見苦成無作解脫答以苦現作意以怖畏諸行令起心成心多寂寂得定根及四根彼種類如實知生以彼種類一切諸行成苦所見以

怖畏生令起生智從生心起於無生心越以無作解脫身得脫如是以觀見苦成無作解脫問云何以觀見無我成空解脫答以無我現作意以空令起諸行心成多厭惡得慧根又四根彼種類如實知相及生以彼種類一切諸法成無我可見以怖畏令起相及生依相及生智唯起從相及生心成離於無相無生滅泥洹心起以空解脫身得脫如是以觀見無我成空解脫如是此三解脫以觀成於種種道問云何以得三解脫成於一道答已

得無相解脫成得三解脫何故是人以無相其心得脫雖解脫彼已作以執其已得無作解脫三解脫成所得何故以作其心得脫以解脫彼以相以執得空解脫三解脫亦得何故若其以執心得脫以解脫以相以作如是已得三解脫成於一道解脫者解脫門者何差別答唯彼道智從煩惱脫名解脫以入醍醐門義名解脫門復次解脫者唯道智彼事爲泥洹此謂解脫門煩惱者一百三十四煩惱如是三不善根三覓四漏四結四流四鉢

四取四惡趣行五慳五蓋六諍根七使世間
八法九慢十煩惱處十不善業道十結十邪
邊十二顛倒十二不善心起於是三不善根
者貪瞋癡於此三瞋者以二道成薄以阿那
納三
舍無餘滅貪癡者以三道成薄以阿羅漢道
十三
無餘減三覓者欲覓有覓梵行覓於此三中
梵行覓者以須陀洹道無餘滅欲覓者以阿
那舍道滅有覓者以阿羅漢道滅四漏者欲
漏有漏見漏無明漏於此見漏者以須陀洹
道滅欲漏者以阿那舍道滅有漏無明漏者

以阿羅漢道滅四結者貪欲身結瞋恚身結
戒盜身結此諦執身結於此戒盜身結者此
諦執身結以須陀洹道滅瞋恚身結以阿那
舍道滅貪身結以阿羅漢道滅四流者欲流
有流見流無明流四軛者欲軛有軛見軛無
明軛如初所說滅四取者欲取見取戒取我
語取於此三取以須陀洹道滅欲取以阿羅
漢道滅四惡趣行欲惡趣行瞋惡趣行怖畏
惡趣行癡惡趣行此四以須陀洹道滅五慳
者住處慳家慳利養慳色慳法慳此五以阿

那舍道滅五蓋者欲欲瞋恚懈怠睡眠調慢
於此疑者以須陀洹道滅欲欲瞋恚慢以
阿那舍道滅懈怠調以阿羅漢道滅睡眠隨
色六諍根者忿覆嫉詭惡樂見觸於此詭惡
樂見觸以須陀洹道滅忿覆嫉以阿那舍道
滅七使者欲染使瞋恚使慢使見使疑使有
欲使無明使於此見使疑使以須陀洹道滅
欲染使瞋恚使以阿那舍道滅慢使有使無
明使以阿羅漢道滅世間八世法者利衰毀
譽稱譏苦樂於此四不愛處瞋恚以阿那舍

納三

十三

道滅於四愛處使以阿羅漢道滅九慢者從
彼勝我勝生慢與勝我等生慢從勝我下生
慢從等我勝生慢從等我等生慢從等我下
生慢從下我勝生慢從下我等生慢從下我
下生慢九慢者以阿羅漢道滅十惱處者貪
瞋癡慢見疑懈怠調無慙無愧於此見疑以
須陀洹道滅瞋恚以阿那舍道滅餘七以阿
羅漢道滅十惱處者此人於我已作現作當
作非義生惱我所愛念人被人已作現作當
作其非義生惱我所不愛念人被人已作現

作當作者於非處生念九惱處以阿那含道
滅十不善業道者殺生不與取邪行妄語惡
口兩舌綺語貪瞋邪見於此殺生不與取邪
行妄語邪見以須陀洹道滅惡口兩舌瞋以
阿那含道滅綺語貪以阿羅漢道滅十使者
欲染使瞋恚使慢使見使疑使戒取使有染
使嫉使慳使無明使於此見疑戒取使以須
陀洹道滅欲染瞋恚嫉慳使以阿那含道滅
慢有染無明使以阿羅漢道滅十邪邊者邪
見邪思惟邪語邪業邪命邪精進邪念邪定

邪智邪解脫於此邪見邪語妄語業邪命邪
智邪解脫以須陀洹道滅邪思惟邪語惡語
兩舌以阿那含道滅邪語綺語邪精進邪念
邪定以阿羅漢道滅十二顛倒者於無常常
想顛倒心顛倒見顛倒如是於苦樂於不淨
淨於無我我於此無常常三顛倒於無我我
者三顛倒於不淨淨者見顛倒於苦樂者見
顛倒以須陀洹道滅於不淨淨者想顛倒心
顛倒以阿那含道滅於苦樂者想顛倒心顛
倒以阿羅漢道滅十二不善心起者與喜共

起見相應無行心起有行心起與喜共起見
不相應無行心起有行心起與捨共起見相
應無行心起有行心起與捨共起見不相應
無行心起有行心起與憂共起瞋恚相應無
行心起有行心起與調共起心起與疑共起
心起於此四見相應心起與疑共起心起以
須陀洹道滅二有共起心起以二道成薄以
阿那含道無餘滅四見心不相應起及調共
起心起以三道成薄以阿羅漢道無餘滅二
正受者二正受不與凡夫共及果成就想受

滅正受問云何果正受何故名果正受誰修
誰令起何故修云何修云何作意彼成就幾
緣幾緣住幾緣爲起此正受世間耶出世間
耶答云何果正受者此沙門果心於泥洹安
此謂果正受何故果正受者非善非不善非
事出世道果報所成是故此果正受阿羅漢幼三十五
及阿那含於此定作滿復有說一切聖人得
今起如毗曇所說爲得須陀洹道除生名性
除爲須陀洹果正受除生名性除如是一切
復說一切聖人成就餘於此定作滿唯彼令

起如長老那羅陀說諸比丘如是長老於山林井於彼無繩取水爾時人來爲日所曝熱乏渴愛彼人見井知有水彼不以身觸住如是我長老有滅爲泥洹如實正智善見我非阿羅漢漏盡何故令起者答爲現見法樂住

令起如世尊教阿難是時阿難如來不作意一切諸相唯一受滅無相心定令起住是時阿難如來身成安隱云何以令起者答彼坐禪人入寂寂住或住或卧樂得果正受作生滅見所初觀諸行乃至性除智性除智無間

於泥洹果正受令安依其禪成修道是是禪成所作是名果正受云何作意者答無爲醍醐界以寂作意彼成就幾緣幾緣爲住幾緣爲起答彼正受二緣不作意一切諸相於無相界作意三緣爲住不作意一切諸相於無相界作意及初行二緣爲起作意一切相及無相界不作意云何此定世間出世間耶答此出世正受非世間正受問阿那舍人爲果定現觀何故性除無隔阿羅漢道不生答非樂處故不生觀見無力故於是二種勝果可

知成有道及性除果現作證道無間果現成無道及性除果成入果定成無道及性除果從滅定起成無性除果

已竟
果正受

問云何想受滅正受誰令起幾力成就令起

約三

十六

幾行所除令起幾初事何義爲起云何起云

何從彼起云何心以起以起心何所著幾觸所觸云何初起諸行死人及入滅想受定何差別此定有爲無爲答不生心心數法此謂滅想受定誰令起定者答云阿羅漢及阿那含於此定作滿誰不令起者答凡夫人及須

陀洹斯陀舍及生無色界人於是非其境界故凡夫不能起煩惱障礙定未斷故須陀洹斯陀舍不能起爲更起非其處故入無色界不能起幾力成就令起者答以二力成就令起以奢摩他力以毗婆舍那力於是以奢摩他力者由八定得自在以毗婆舍那力者由自在隨七觀云何七隨觀無常觀苦觀無我觀厭患觀無染觀滅觀出離觀奢摩他力爲滅禪分及爲不動解脫毗婆舍那力爲見生過患及爲無生解脫幾行所除令起定答以

除三行令起定口行身行心行於是入二禪
覺觀口行成所除入第四禪出息入息身行
成所除入滅想受定人想受心行成所除初
幾事者答初四事一縛不亂遠分別觀事非
納三
事於是名一縛者鉢袈裟一處十樸受持不亂
者以所有方便此身願莫生亂受持遠分別
者稱其身力以日作分別受持於此久遠過
我期當起觀事非事者未至時分別或衆僧
爲事非事和合以彼聲我當起受持於是一
縛者爲守護袈裟不亂者及久遠分別爲守

護身觀事非事者爲不妨衆僧和合住無所
有處或初作事入初禪何故令起答爲現法
樂住者是聖人最後無動定復爲起神通入
廣定如長老正命羅漢爲守護身如長老舍
利弗如長老白鷺子底沙云何令起者彼坐
禪人入寂寂住或坐或卧樂滅意樂滅入初
禪入已安詳出無間見彼禪無常苦無我乃
至行捨智如第二禪第三禪第四禪虛空處
識處無所有處入已安詳出無間見正定無
常苦無我乃至行捨智

爾時無間入非非想處從彼或二或三令起
非非想心起已令心滅心滅已不生不現入
此謂入滅想受定

云何從彼起者彼非如是作意我當起已至
初初時所作分別成

云何心已起者若阿那含人以阿那含果心
起若阿羅漢人以阿羅漢心起起已彼心何
所著答心專緣寂寂幾觸所觸者答三觸所
觸以空觸無相觸無作觸云何初起諸行從
彼身行從彼口行死人及入滅想定人何差

別者死人三行沒無現壽命斷煬斷諸根斷
入受想定人三行斷沒壽命不斷煬不斷諸
根不異此彼差別云何此定有爲無爲者答
不可說此定有爲無爲問何故此定不可說
有爲無爲答有爲法於此定無有無爲法入

出不可知是故

第十三不可說此定有爲無爲滅惱

十八

定已

解脫分別諦十二品已竟

於此品數因緣戒頭陀定求善友分別行行
處行門五神通分別慧五方便分別諦此十

二品是解脫道品次第

無邊無稱不可思 無量善才善語言
於此法中誰能知 唯坐禪人能受持
微妙勝道爲善行 於教不惑離無明

解脫道論卷第十二

音釋

跨苦化切 越也 間苦本切 捷直追切 撸擊也切 蒲沃切
優波底沙梵語 大光云 番部此去北漢切 當也

永樂北藏

解脫道論

第一二四冊